

Махны үнэ өссөн нь инфляцид нөлөөлсөн гэв

Нэг сарын хугацаанд инфляци 2,2 хувь болтлоо өссөн тухай МҮСТХ-ны Макро эдийн засгийн статистикийн газрын дарга Б.Бадамцэцэгээс тодрууллаа.

-Энэ сарын инфляцийн үзүүлэлт өмнөх сарынхаас өссөн шалтгааныг хүнсний барааний үнийн өсөлттэй холбоотой гэсэн?

-Өнөөдрийн байдлаар гадаадын олон улсын инфляци нь сараар тооцоход 0,5-аас доош хувьтай байна. Тэгэхэд манайд сарын инфляци 2,2 хувь буюу дөрөв гарам дахин өндөр байгаа юм. Энэ нь хэрэглээний үнийн индексээр илэрхийлэгддэг инфляци ямар түвшинд байгааг харуулж байна. Улсын хэмжээнд инфляци 2,2 хувьтай байхад нийслэлд инфляци 2,5 хувьтай байна. Нийслэлд 329 нэрийн барааны 93 бараа нь хүнсний бараа бүтээгдэхүүн байгаа. Тэгэхээр нэг сарын дотор эдгээр бараа бүтээгдэхүүний 56 нь үнэ өссөн байдлаар өөрчлөлт орсон. Тиймээс инфляцид нөлөөлсөн бүтээгдэхүүн бол хүнсний, тэр дундаа махан бүтээгдэхүүн эзэлж байна. Зөвхөн мах төдийгүй хүнсний нэрийн бараануудын үнэ нэмэгдсэн.

-Махны үнийн өсөлтийг ер нь нийлүүлэлттэй холбон тайлбарлаад байгаа?

-Статистикийн үзүүлэлтээр махны нийлүүлэлт өмнөх жилүүдээс буураагүй байгаа юм. Үндсэндээ махны үйлдвэрлэлт болон махны экспорт хэвийн байгаа.

-Энэхүү инфляцийн үзүүлэлтийг хэрхэн гаргадаг юм бэ?

-Энэ оноос эхлээд Үндэсний статистикийн хороо шинэчилсэн сагсаар хэрэглээний үнийн улсын, нийслэлийн, аймгуудын индексийг судалгаагаар гаргаж эхэлсэн. Хэрэглээний үнийн сагсанд, нийслэлийн хувьд, 329 нэр төрлийн бараагаар сагс бүрдүүлж байна. Үүн дотор хүн амын өргөн хэрэглэдэг 93 бараагаар сагс бүрдүүлж, тодорхой цэг, хугацаа, давтамжтайгаар судалгаагаа хийсний дүнд инфляцийг тооцон гаргаж ирдэг.

У.БОЛОР